

明·茅元儀輯

武備志



武備志第一冊

《武備志》出版說明

武備志二百四十卷，明茅元儀輯。

茅元儀，字止生，號石民，又號東海書生、東海波臣，明湖州府歸安縣（今浙江吳興縣）人，生於神宗萬曆二十二年（一五九四），卒於思宗崇禎三年（一六三〇），年三十七。

武備志書成於萬曆四十七年（一六一九），天啓元年（一九二一）刻成，崇禎元年（一六二八）進呈。日本曾於寬文四年（清康熙三年，一六六四）覆刻；清道光年間有重刊本。

此書的價值，約略言之有三：

一、研究晚明歷史，尤其明清爭戰，此書是重要的第一手資料。二、研究有明一代軍事組織，此書提供了極完整的資料。三、歷代軍事思想（兵法、戰略、占卜）經過此書的整理及詮釋，可窺其演變之迹。

茅元儀知兵，且有經驗作基礎，以其心血萃成此書，非如一般書生紙上談兵，故印出以供歷史研究者及軍事研究者之參考。

華世出版社編輯部謹識

一九八四年五月

茅元儀傳

元儀，字止生，歸安人。鹿門先生坤之孫，繕部國縉之子。少爲孤童，雄傑異常兒。年十歲，吳興大侵，太守集議賑荒，羣公囁嚅莫敢應。止生垂髻奮袖，請盡傾困廩以賑國人。太守歎異曰：「魯子敬不是過也。」止生好譚兵，通知古今用兵方略，及九邊阨塞要害。口陳手畫，歷歷如指掌。東事急，慕古人毀家紓難，慨然欲以有爲。高陽公督師，以書生辟幕僚，與策兵事，皆得要領。嘗出塞相視紅螺山，七日不火食，從者皆無人色，止生自如也。高陽謝事，止生亦罷歸。先帝即位，經進武備志，且上言東西夷情，閩粵疆事及兵食富強大計。先帝命待詔翰林。尋又以人言罷。己巳之役，高陽再出視師，半夜一紙，催出東便門，僅隨二十四騎。止生腰刀匹馬以從。四城既復，牒授副總兵，治舟師，略東江。旋以兵譁下獄，戍漳浦。東事益急，再請募死士勤王。權臣惡之，勒還不許，蚤夜呼憤，縱酒而卒。止生自負經奇，恃氣凌人，語多誇大。能知之者，惟高陽與余。而止生目中亦無餘子。世所推

名流正人，深衷厚貌，修飾邊幅，眼光如豆，寧足與論天下士哉。止生爲詩文，才氣瀟灑，搖筆數千言，倚待立就。而其大志之所存者，則在乎籌進取，論匡復，畫地聚米，決策制勝。集中連篇累牘，洒江傾海，皆是物也。今既已化爲飛煙，蕩爲冷風矣。顧欲刺取一二有韻之言，簸揚而藻飾之，是豈止生之所以自命，而亦豈余之所以知止生者哉！

（錄自明錢謙益《列朝詩集小傳》茅待詔元儀傳）

武

備

卷

一

百

凡

十

卷

武備志敘

茅止生童子時散家粟數萬石賑
荒義聲聞天下已攻舉子業古文
辭爲東南名士冠居恒念國家御
宇歷四戊申而羸金甌無缺萬曆
間東夷西夏播滇告變幸而勝之

日狃宴安武事不講氣運乘除必
有豐敗慷慨激烈思所以振長策
而銷亂萌聞者或目爲狂抑謂奢
闊之談無何奴酋陷撫順我師出
討敗績元戎及朝鮮從征部曲百
夫長而上死者六百人士馬以澤

量若蕉乃與孝廉宋獻孺上書當
路言兵事邊事蓋且三年而其操
心危慮患深所撰武備志始成書
懸國門見者稍稍奇之矣志大綱
五爲兵訣爲戰略爲陣練制爲軍
資乘爲占度載其目百八十有奇

有圖有說天時地利人和無不審
諦翔實可裨緩急其自序云士大
夫不習兵之故有五易而自翫狹
而自用震而自棄惰而自窘昧而
自陷深中膏肓之疾夫奴酋覬覦
遼非一日已併毛憐諸衛取其剋

印又割海西之半而重賄北虜收
土蠻爲助奪地界遮貢市增車價
一切無如之何彼目中寧有我耶
憊頓之餘計安遼莫如守而善守
者遭齟齬去賊已沒瀋陽遼陽朝
議尚泄泄以起廢爭論皆于遼事

無所短長之人甚且借遼引進私
昵撫臣領兵寄安危係焉率取諸
素貴要人目不知邊與虜爲何狀
姑嘗試之而植黨恣臆失任怨任
勞之臣竟不敢問除河北賊易除
朝中賊難豈不信哉止生從祖父

來世有祿位於朝多僦儻大節未
竟其施是以眷眷國恩爲綢繆桑
土計令志早行三年有成寧渠一
敗塗地至此奴曾往入寇殺戮彰
威抄掠滿載而還頃據遼陽我之
堅城深池火器諸械悉爲彼有扼

金復海蓋通漕之地因糧于我遼
首尾受敵薊門兵將出關關內山
隘小道可入虜騎者不但一喜峰
口降夷開門納奴酋其心旣二將
乘隙內訌而關腹背受敵宣大河
南山東西撫臣提兵移鎮聽援人

心動搖奸黠蠢動如仁義中興真
命諸賊勢所必有而畿表裏受敵
天下事岌岌乎殆哉賴

宗廟社稷之靈遼以北無虞是志
也亡羊補牢猶爲未晚也

咎

天啓元年辛酉仲夏南京太常寺

卿京山李維楨撰

